

武夷山志卷之二十二

武夷董天工典齋編集男勳校刊

騷

山中之樂三章和歐文忠公韻

國朝

王復禮

武夷奇勝雄偉兮三十有六峯矗天拔地兮似蠶叢凌霄  
舞雪兮高同太空敦龐渾噩兮終古包蒙桃源橘澗兮景  
無窮丹霞紫雲其掩覆兮杳不知石門玉洞之幾重更有  
金雞棲兮鐵象伏獅子昂頭兮虎嘯迎風七賢五老兮氣  
象雝雝山明水秀兮林長艸豐眞堪娛老而忘歲兮視百  
卉榮謝爲春冬嗟世之人兮曷不歸來乎山中山中之□  
本可見余今隱此兮誰逢

武夷山志

卷之二十二

詩騷

一

溪流曲折兮樹影玲瓏柳烟漠漠兮花霧濛濛香撲鼻兮  
菡萏聲悅耳兮蒼松冬賞心兮玉蝶秋眩目兮丹楓羨四  
時之獻彩兮不止鶯黃鴨綠與猩紅對舉杯兮明月獨浩  
歌兮清風嗟世之人兮曷不歸來乎山中山中之樂咸可  
得余慙竊享兮誰從

吁嗟傑構兮佛刹仙宮伏虎投龍兮幻妄穹窿彼世之人  
兮豈乏明而失聰好高驚外兮焉知道德之在躬誰見曇  
花鞞鞞兮瑶艸茸茸自古皆有死兮又何必削髮與還童  
胡不悅儒巾親翰墨兮希賢聖而追蹤不驚奇以立異兮  
日蹈乎中庸無惑于二教兮空老山中山中之樂眞可久

余思合志兮誰同

曲

又和人間可哀之曲 并引

王復禮

余隱武夷家於幔亭之右茲峯得名本由虹橋彩  
幄設宴鄉人仙樂行空天香遶座見之宋祝穆所  
引古記也事雖荒唐不足信然人間可哀之曲纏  
綿悱惻實可傳之千古因和韻四首以寫余樂而  
寄余哀

人生七十古來稀春色競放兮蝶爭飛遁跡傳經兮心幸  
不違筆歌墨舞兮晨夕相隨

常思萊子兮世所稀老年親在兮弄鳥飛嗟予永感兮守  
禮無違陟彼岵岵兮何處追隨

雁行中斷兮形影稀怕見鵲鴿兮鳴與飛少陵三弟兮嘆

武夷山志

卷之二十二

詩四言古

二

息睽違余今終鮮兮有夢難隨

牧犢傷懷兮妻妾稀不及山雉兮共朝飛余亦失侶兮瑟  
琴久違何勞作操兮羨彼倡隨

四言古

題武夷四首

王復禮

武夷之山三十六峯釋擬靈鷲道比崆峒惟余仰止鳧繹  
龜蒙

武夷之水清且美一曲一迴腸臨流憶紫陽

武夷之景移形換影側既成峯橫又成嶺獻巧爭奇伊誰  
能並

武夷之基屈曲高低就巖結屋倚樹爲梯如蜎作房如燕  
巢泥不畏奇險而得安棲

五言古詩

題棲真館三十二韻

宋李綱

武夷古洞天奇峯三十六一溪貫群山清淺縈九曲溪邊  
列巖岫倒影浸寒綠翩如鸞鳳翔矯若虬龍蹙樓觀聳岩  
堯屏幃互重複蛻仙骨遺金遊女肌削玉鷄棲層巖巔船  
插斷崖腹學館有几案仙機餘杼軸嵐光瑩澄潭虹影掛  
飛瀑翠竹蔭天池蒼苔封石屋繪禽頂長丹遺跡指如掬  
峨峨天柱峯幔亭連翠麓傳聞武夷君嘗此會仙俗飛橋

武夷山志

卷之二十二

詩  
五言古

三

幾千丈絕頂亘山足障以翠雲屏藉以紫霞褥瑤樽傾沆  
瀣玉豆脯麟鹿仙妃奏賔雲金鼓間絲竹酒酣歌夕暉歎  
息光景促曾孫誰復在往事空遺躅至今風月夜笙簫響  
虛谷地靈饒泉石山潤秀草木坐使七閩人蔭此仙靈福  
嗟予真散材性愛山水酷山經與地志姓字久已熟薄宦  
方區區仙賞宜碌碌神遊先夢寐幽覲寄圖錄寧知因謫  
宦乃得厭所欲沿沂窮幽深應接勞耳目開襟豁懷抱壯  
觀慰幽獨卻邀白雲歸伴此巖下宿夜寒夢魂清曉發輕  
裝速仙遊須再來何當謝羈束

病中追賦遊武夷

劉子翬

建水日夜淺清灘自迢迢魚舠愕已無忽點淨練遙老身  
寄其上兀若棲危茗松風知我狂隨舷助傾搖探幽神益  
新得快意自消長林翠洞口微雲粉山腰那知碧虛遠一  
葦卧可超不須換吾骸吾慵登岩堯病中追餘觀所得絕  
富饒

游武夷以相期拾瑶艸分韻得瑶字 朱 熹

秋聲入庭戶殘暑不敢驕起趨汗漫期兩袂正風飄眷焉  
此家山名號列九霄相與一來集曠然心朗寥棲息共雲  
屋追尋喚漁舠一水屢縈迴千峯鬱岩堯蒼然大隱屏林  
端聳孤標下有雲一壑仙人久相招授我黃素書贈我雙

武夷山志

卷之二十二

詩  
五言古

四

瓊瑤茆茨幾時建自此遣紛囂

中秋同諸子九曲泛月

虞 億

名山閱萬古明月來幾時顧遊屬中秋萬里雲霧披心閒  
境亦靜月滿山不移况茲九曲溪正漾清漣漪呼舟星村  
來十客琴觴隨此客俱不凡灑落同襟期居然命釣艇造  
席不復疑陶兀入醉鄉伴我老不羈臨流振衣袂颯颯剛  
風吹銀盤轉巖阿兩川光渺瀰峻嶒大王峯嵌竇渺可窺  
雲駟與鳳馭來往誰可知但聞山桂香繽紛落殘卮酒酣  
各言志抗論不少卑諸君爰軒冕許身臯與夔矯首青雲  
衢塵鞅甘羈縻那知涉幻境百歲黍一炊風波世上險日

月壺中遲何如歸此山相樂從希夷

武夷

謝章

鶯花婉婉天晴空落紅雨千里賦遠遊山水無重數武夷  
甲天下清絕多奇趣名峯三十六一一拱天柱隔岸分西  
東回首時一顧孤峯自特立不肯相朋附溪流走其下縈  
紆溢清泚荒烟鎖寒碧晴嵐滴空翠曲曲深復深行行止  
且止時聞欸乃歌恍入桃源路山禽相應答嶺雲自吞吐  
此境非人寰蔚爲神仙所我欲深窮源白鷗没星渚

遊武夷

陸游

少讀封禪書始知武夷君晚乃遊斯山秀傑非昔聞三十

武夷山志

卷之二十二

詩五言古

五

六奇峯秋晴無纖雲空巖鷄晨號峭壁丹夜瞰巢居寄千  
仞鴻荒想羲軒風雨蛻玉骨難以俗意論丹梯不容躡修  
蔓亦畏捫泝流進小艇媿驚白鷗羣學道雖恨晚養氣敢  
不勤宦遊非本志寄謝鶴與猿

紀遊

朱大卿

開秋氣微肅天水湛相照扁舟愜幽尋層峯入奇眺融結  
幾何年指顧集羣妙神仙得非幻遺蛻在巖竅行往求其  
蹤恐爲識者笑獨鶴去不還山猿偶然叫應有採芝人凌  
空發長嘯

遊武夷

葉樞

孤臺起天半羣峯羅崔巍大王挺其問玉女相因依上攀  
牛斗墟下窺鷗鷺磯神仙遙可接靈草正秋肥念此結綢  
繆豈謂賞心違浮雲亂幽壑明月流清輝白雲淒以寒游  
子名言歸玄鶴向我鳴秋風吹我衣願借凌風翮送君西  
北飛

送熊退齋歸武夷

蜀翁

君居建州溪我住東浙尾遊遁入壺山于今幾寒暑平生  
譚理道涉獵頗自喜考擊到精玄我膚君骨髓君學有根  
源君文有規矩寸步履平實不知虛浮語禮廢彝倫斃  
旨數百載紫陽當日心誰復爲鼓無氣運未回天人力不

武夷山志

卷之二十二

詩  
五言古

六

能起終焉經久功或慰奔馳苦讀書要適用行過言猶恥  
架空累萬辭先儒已坐此觀君治教篇農學相資倚以茲  
行吾志萬物當得所奈何人理繆痛哉時不與君去將安  
之波浪更風雨武夷高且深櫂歌聲未已朝夕足夷猶尙  
友朱夫子他年見鰲峯勢與此山擬了却未完書相逢定  
何許

入武夷霽色可喜

元黃清老

積雨多浮雲百川合爲一新晴落花深草逕沒行跡溪風  
淡和柔天宇浩澄碧諸峯出雲間淨若露初拭遲遲策駕  
□稍稍度翠壁從人不知疲佳境恣所歷松間古仙人燕

坐松下石羽化今幾年蒼苔滿雙屐乾坤妙無言小大白  
有得爲我謝羣芳春風各努力

過嶺至崇安方命棹之建溪

薩天錫

人生天地間馳馬歷大塊行樂須及時流光逝難再役役  
功名羈歷歷山水邁偉哉東南區奇險閩粵最車書四海  
同風氣一嶺界肩輿度層霄手棹下急瀨四山抱回流環  
合如束帶玉井蓮葉飄仰面天作蓋倏忽丹峯前卻在紫  
嶺背微雲間烟霄疎雨灑松檜深林樵牧歸落日山鬼會  
雪瀑挂冰簾風林響天籟石梯駕仙巖徃徃遺骨在瑤草  
石上生丹藥市中賣巍巍考亭祠過客下祠拜溪水自成

武夷山志

卷之二十二

詩  
五言古

七

文上接洙泗派喚渡雲門僧貌古清可愛手把青松枝跌  
坐溪石待懸崖虹棧危插竹魚網曬山高入蟻旋下視舟  
一芥輕舫類飛鳧宛轉亂石隘崢嶸龍角尖礫砢龜首癩  
槎牙激頽波出沒如水恠萬古槌地雷三峽瀉萍泮峯巒  
爭送迎奔走萬馬快箭過耳生風開口不暇咳峭壁起衝  
流恍若巨鼇戴上有舊題名歲久字刻壞豈無姓名存彷彿  
年月載覽此前人蹤徒爲後人慨天氣易寒暄光景倏  
明晦浩蕩三日程應接千萬態會登天柱峯一覽宇宙大  
少吐胸中豪神遊八荒外題詩贈山靈清氣留勝槩

舟中口號

溪行望武夷峭壁何嶄絕赤霞爛不收大化元氣泄下有  
萬年松上有太古雪祇恐月明中鐵笛吹石裂

武夷懷古

林泉生

千山來武夷勢若羣龍趨崢嶸入霄漢一一飛躍如石城  
開樓臺神仙之所居高巖掛鐘鼓幽壑藏舟車一水九曲  
折煙霞共縈紆變態千萬狀迴與人境殊我行入幽深涼  
雲襲衣裾王事有程期未能盡崎嶇瞻望不忍去爲之少  
躊躇青鸞竟何在落日啼猩語鬼工鑿靈嶂想在天地初  
不知百粵前誰其宅此都魏王何代人髑髏至今枯精神  
在青天此物蟬蛻餘還丹九轉就身外復有軀雞犬舐丹

武夷山志

卷之二十二

詩五言古

八

鼎尙能遊太虛虹橋宴曾孫何不與之俱空餘煉丹鼎寒  
煙覆青蕪當時燒白石黃金滿洪爐黃金果何用亦爲仙  
所需安期不可見此事知有無吾將搴束茅來依紫陽廬  
青鱗既可釣枸杞亦可蔬遨遊青山間心朗氣亦舒時從  
二三老野服歌唐虞神仙果有之吾當受其書

題武夷

曹休齋

窮冬霜風利木脫崖石出爲山十日留散策恣捫歷想當  
混沌初締構眞宰泣一一拔地起萬仞削蒼碧壓地恐折  
軸撐霄疑立極崩奔獸騰拏退卻馬辟易竦若跂鳥驚盤  
若潛虬蟄溪奔牛渴飲沙伏羊露脊醜恠夜叉獰敷腴蓮

花折或圓時高廩或銳豎堅壁或平若几案或覆若簷笠  
或散舞踟躕或欹醉傾側或悍忿且鬪或俯拱而揖纍纍  
行且負轟轟法離立或瑩鮮玉明或丹流霞赤黑或若黝  
塗青或若翠滴或陷而無底或呀而欲吸嵌空時響答階  
磴自成級犬牙巧相讓虎踞勢互敵幽壑積層陰石室敞  
百尺壑深自風生洞豁無雨及高旻飛瀑瀉暗竇潛流入  
霜石凍稜層冰泉流窅窅山高日出遲谷邃雲封密大王  
兀雄姿玉女皎媚質劍石斬未殊柱峯介而特膝石遺飛  
踪骨巖坐枯腊水簾垂不捲石笋斷復接架壑船誰棹懸  
崖機孰織萬點巖雨寒一綫峽天窄幽函鎖靈蛻高掌印

武夷山志

卷之二十二

詩  
五言古

九

仙跡山羊掛角眠林獼連臂汲丹藏壑夜光仙來雲晝幕  
竒葩不知名瑶草可俯拾天雞或鳴羣遼鶴時下隻穹林  
松夭矯連山竹蕭瑟緬懷幔亭宴歲月浩浩積况復桑海  
餘人世豈疇昔故應亭觀地灌莽埋芳棘佳處址空存芳  
徑人已窒溪流獨不改縈紆仍九折風柔練淨涵石澁瀨  
微澈湫潭窈深沉沙月明的矚默釣漁翁閒呼舟游客急  
溪口羽人居樓觀堆金碧龍井煙霞古露壇星斗濕廣殿  
覆天幡連函閣雲笈鼎紅媁龍虎室白靜巾舄仙茶石竈  
烹村酒汗樽挹聲清夜步虛子響晝爭奕豈不亦高閒學  
幻吾所闢峩峩大隱屏杳杳伏羲室當年住老仙微言今

揭日道德有餘輝衣被向泉石斯人元不死清境天亦惜  
人境真二絕舍此更何適仙臺舊有名世垢病湔滌憑誰  
第三間容我分半席空懷詎能果泯默重歎息作賦聊冥  
搜往挑如椽筆

紀遊

張之翰

去年入閩嶠今年遊武夷平明一葉舟逕入九曲溪是時  
天未晴千巖雨霏霏長風從何來一掃雲四垂茲遊所願  
見一一從吾私無乃太竒絕可駭不可辭厥初造化力辦  
此其爲誰何來陸與劉指我使盡知復有數文士衣冠儼  
相隨閱書希賢堂酌酒文公祠板橋渡星渚月出興盡時

武夷山志

卷之二十二

詩  
五言古

十

歸來倚修竹萬象清心脾山雲復湧出陰闔如掩扉舉杯  
謝山靈乃爾相厚爲海市見東坡岳雲開退之鄙余亦何  
人復有此段竒冲冲欲無語恐貽神所譏作詩留山中以  
爲歸隱期

武夷

杜春圻

武夷天下竒仙人有遺跡穹碑寫靈恠龍蛇古苔蝕太姥  
不復來空山老毛竹曾孫又曾孫於今髮如漆海水不可  
回河水不可塞我來玩青山溪流九盤曲樂此仁智心芙  
蓉露華滴矯首隱屏峯終天挂秋日

遊武夷

廉公允

下馬引方竹緩步穿橫岡一徑入松檜時聞風露香洞天  
處所深清猿山晝長大地幾荒落野馬奔塵光仙人碧雙  
瞳坐我珊瑚牀散髮吹參差白雲生紫房便欲謝世人乘  
雲歸帝鄉

武夷紀游

明 陳 觀

郵亭立溪湍上有石鼓字回顧溪水中石鼓在所寘移舟  
沂水溪前山鬱蒼翠一曲遽停橈尋眞步幽邃洞天閭闔  
開殿閣儼神位秦漢紀茲山武夷君所治幔亭宴曾孫遐  
踪久已秘巍巍大王峯玉女停立侍獅子西東來昂藏不  
敢肆我本羽衣人憩迹昇眞地珍重李仙翁命舟行厨備

武夷山志

卷之二十二

詩  
五言古

十一

溪山偕侶游討論每云遲二曲頓清竒群峯互攢翠三曲  
多仙巖峭峙罕匹類倚空駕舟函不腐亦不墜小泊三杯  
石坐玩亦清思石上飲三盃昔賢同一致四曲入望中繁  
花方嫵媚春光耀亭臺蕝艸漸萌瑞崖陰刻字新徃徃書  
故事五曲達平林藹然千古意精舍瞻遺容豐碑誦遺記  
杏壇相因依高堂揭仁智坐令閩越中居然處洙泗雄哉  
大隱屏仙掌列其次六曲轉盼勤仰歌發長喟七曲著漁  
家碧潭富投餌八曲寂爾過樓巖無鼓吹窮幽造霸峯玄  
都矧可暨臨池數十桃道士昔手植感慨却回舟烹鮮侑  
揚觶九曲烟霞深彤庭敞宏庇仙客乍譚玄主人已醉

歡言一宿留醺酣飽熟睡晨興復招邀具我雞黍飼臨行  
意有餘醇醪饋盈噐順流睇層巔天遊行直遂捫蘿履崎  
嶇登陟良不易絕頂隱君居崇臺境殊異凭虛撫危欄重  
巒俱下視參差森欲動恍惚眩眸皆霸颺空中來竹松舞  
雪帔杖藜還高岡夷猶不忍棄何當濯塵纓永茲瓢笠寄  
歸林賦長篇聊爲斯游識

望武夷山作

劉基

飲馬九曲溪遙望武夷峯長林抱廻合丹崖造空濛浮暉  
澹寒翠水木皆曼容薄遊限塵務促景厄竒蹤緬懷紫陽  
子千載誰與同瓊佩邈烟露石函闕遺封羈猿怨幽澗飛  
武夷山志

卷之二十二

詩五言古

十二

蘿胃芳叢瑤琴空流泉桂枝徒秋風悵望佳期阻纏綿憂  
思重殷勤尺素書願寄雲間鴻

泛九曲

林鴻

秋風泛瑤棹爰此佳山川九曲泝流月數峯標暝烟開闢  
自天地飛升有眞仙石上蛻金骨雲中鳴夜弦伊予探古  
蹟得復窮幽玄閒招木客飲醉向天壇眠不見紫陽翁徒  
歌白雲篇予懷在漁釣即此應忘筌

宿田家望武夷山

藍仁

仙厓蓄靈異恠石盤空曲一水隔花村千峯入茅屋金芝  
暖逾秀瑤艸寒更綠雲中武夷仙一一顏如玉白馬去不

歸玄猿叫相逐昔陪丹丘侶酣歌紫霞谷鷄鳴洞天曉落  
月在林木空瞻仙子亭舊夢那可續荒林激悲風日入對  
樵牧佇立望歸雲解衣田舍宿

題徐良夫九曲權歌圖

李鐸

徐君江海人雅有山林想遠遊賦幽尋徘徊脫鞅掌長揖  
虹橋仙飄飄欲偕往牽舟沂岸迴著屐緣厓上萬壑風泉  
渟層巖吐花長采鸞載玉笙隱隱遺清響幻跡杳難窮眞  
源豁而厥永懷紫陽翁訢然契心賞

泛舟

王侑

扁舟下溪口薄暮煙沉沉群峯暝色秘九曲寒流深不見

武夷山志

卷之二十二

詩五言古

十三

幔亭君徙懷笙鶴音雲霞結飛夢風雨生平林半生慕名  
山十年阻登臨長懸紫宮戀未遂滄洲心豈伊眞仙源避  
我塵跡侵回撓發長嘯起坐鳴吾琴

遊武夷

季本

武夷夙所聞夢想見佳景今日上溪船悠悠隔塵境巖石  
振鳴泉碧潭照清影屈曲更詭竒宏奧復幽靜到此遺世  
紛萬慮俱一屏未遇武夷君醉夢已先醒况昔賢哲流結  
廬此修省宮墻千載餘入門發深警神仙亦渺茫吾道有  
要領所思良在茲平林坐來暝

遊武夷

鄭善夫

竒遊歷四窮茲山負靈勝翠川玉篆繞丹巘璫花並浮桴  
臨星源仙踪煥雲榜圖經宛不爽神理杳莫竟緬訝開物  
初豈無稽天浸懷山谷就變赴坎槎交迸迹竒易讚揚歲  
深改觀聽竭來幔亭宴渺渺論神聖諒同武陵源去爲羸  
氏病仙蛻昔所非真函此須正所以紫陽翁不履黃庭徑  
遠矚悟氣機內照見真性永持哲士誠修身竣元命

遊武夷二首

蔡汝楠

夙慕武夷遊已入晴川境稅我塵中車振衣三秀嶺樹暝  
疊浮嵐溪虛寫澄影石竇通海流玄猿嘯峯頂空洞駭迴  
飈遠寧眩殊景倏爾昇雲烟兼復徹軒屏晨翠流耳目宵

武夷山志

卷之二十二

詩五言古

十四

陰濯襟領靈跡冠閩甌真機會箕穎榮素實殊塗俾予發  
慙省

凝望竟何已披雲上高岑日夕澹清輝冲飈襲我襟丹梯  
共迢遞靜壑連蕭森赤霄薄懸岨玄石生浮陰差池挹群  
寧啁晰聆翠禽苔泉映朝楫松月宜夜琴拏葉憐葳蕤駐  
谷眷幽沉及此山中服一改珮與簪因之扣哀玉清觴自  
盈斟

遊武夷

魏文煊

躡步上昇眞長揖紫霞客茲山多靈異想像銀臺闕瑶艸  
吐金光慧泉注丹液仙翁挾茅龍棄世如遺跡回首謝所

親尙留赤玉舄我欲徃從之茫茫水雲白誤與軒冕期學道恐無益

武夷有感示黃象九

邱四可

勝趣以人得此理不關山愁人觸所懷樂者因之歡我來心緒縈諸峯紛獻頑清溪神遠遁古木炤子顏顏同古木衰萬物當改觀願言同遊人深心期徃還

武夷九首

選二

俞安期

晨興命篙師溯流泛清汜鷁首轉石湍九曲茲其始峯巒縱異姿崖壁挾重詭參錯駭愕形萬狀不相似林林從孤舟紛紛列兩涘回眺天柱石端立若冠峙其上亦宏奧云

武夷山志

卷之二十二

詩五言古

十五

有天池水奕代投玉簡遣使歷千禩子騫謫居時仙客咸來止晉代八真人異姓四女子謫籍周有期上昇俱由此控鶴彼何人曾否來主禮

繫纜仙船巖三曲漸已及云何二仙艇中壁懸石隙歲月固不知神化亦奚測更無堯年潦安得逮茲息豈墜絳渚間天路將安適或由巨靈掌攜之化人國莫謂藏壑牢夜半負有力願借拯迷津衆人免沉溺

武夷紀遊

陸采

昔余偃東菑寤寐在丹壑幸解塵紛羈神情兩馳躍言藉良朋友放迹恣所託峇峇武夷宮受司佐南岳羽人時翮

翩矧乃富靈藥命駕攀高梯息鑿往遐閣爰升衆峯巔宛  
若蓬萊宅祇肅禮玄君愉悅騫飛幕遂宿九華居凡思頓  
銷鑠豈云汗漫期聊爾希康樂行必曲澗緣卧當孤嶼泊  
永絕區中想洗心上寥廓

溪行晚眺二首

鄭東白

落日步溪源遠山帶殘碧崖屋鐙火青林間探竒蹟何當  
抱幽思雨坐欲終夕  
石壁俯幽宮玄雲日來往微雨夜時過塵襟覺初爽萬籟  
寂無聞遙聽澗泉響

泛九曲溪二首

吳國倫

武夷山志

卷之二十二

詩五言古

十六

林端日已歌心賞云未足言從武夷君泛此雲溪曲流藻  
牽微瀾鳴榔應虛谷坐愜巒氣澄行驚練光速猿猱掛巖  
柯虹霓飲沙麓夾水羅羣峯參差三十六絕壁鮮棲禽云  
有仙人屋仙去無還期微茫睠遺躅

曲水縈山心入山轉冥漠翼舟雲欲飛依渚石爭削夕照  
綠陰蕪迴烟霽丹壑羽衣奏笙璫中流下玄鶴倏忽踰初  
境遠峯澹迴薄似得武陵津不淺濠梁樂詎知宦游踪飄  
然寄寥廓

登武夷二首

名山奠南隩甲觀浮雲齊上闢羣仙府下纏九曲溪琪樹

榮青林文鳥翔丹梯出沒霏露間永日恣攀躋金光吐靈  
穴真氣耿不迷何當遇籙鏗挾我霞外棲楚楚黃冠子抵  
掌談刀圭豈其大丹訣乃託空筌蹠  
緣澗躋飛梁馮虛步崇殿雲林鬱以紆天柱從中奠炁濃  
玉女鬟苔繡鐵佛面歷歷排群峯朱華競葱蒨豈假巨靈  
擘非經女媧煉巖泉漱石脂洞草積瑤霰界朗神與清塗  
紆景忽變手調赤雉羹將爲列仙宴

武夷吟爲叔平姪賦

李應徵

浙水猶未渡閩山安可越夜夢武夷君幔亭弄秋月顧余  
莞爾笑相攜叩丹闕薜荔飄衣裾芙蓉墮冠髮吹愁落空

武夷山志

卷之二十二

詩  
五言古

十七

際步虛任超忽陡覺聞天鷄明星高兀兀九曲杳然失對  
汝清興發安能涉世網生死遞淪沒何當乘飛霞揮手謝  
仙骨

武夷

蘇濬

錦幔曲未終寒濤聲正急飛來李將軍鐵衣濛濛濕玉女  
倚新粧膏沐爲誰飾兜鍪峯上寒雲林澹無色山下釣虬  
龍山上捫牛斗當年博望槎曾在此中否仙床倚雲開斷  
虹留夕照舟子款乃聲金鷄自相叫一柱插雲根上有撐  
天手人在竹林間茅茨卧白首豈是五丁開罡風鑱四壁  
翛然水雲居扁舟帶雲白手攜白玉尊逢僧拾瑤草問僧

何處歸天壺奈醉倒芳草數家村上有麋鹿迹蓮花掌中  
開雙雙帶水碧萬樹湧金波千峯浮玉屑行到水窮處風  
光明沒滅

遊武夷

吳國安

十年懷名山薄遊未能至弭節偶茲辰探竒始欣遂層峯  
抱迴合長林引深邃烟霞鎖冥濛指顧詫靈異玉函闕遺  
封勝跡符往記洄沿九曲溪溪溪落空翠水木澹澄暉泠  
風送餘吹登臨兩稱絕幽期愜遐企願謝區中緣浮生永  
斯寄

泛九曲試茶

陳勳

武夷山志

卷之二十二

詩五言古

十八

歸客及春遊九溪泛靈槎青峯度香靄曲曲隨桃花東風  
發仙薜小雨滋初芽采掇不盈簷步履窮幽遐淪之松間  
水冷然漱其華坐超五濁界飄舉凌雲霞仙經閱大藥洞  
壑迷丹砂聊持此竒草歸向幽人誇

九曲泛舟

吳兆

閩岫亘萬區茲山靈氣締不必入谿深豁然心神霽水曲  
無殊流峯衆多異勢嶂合去疑窮灘迴向誤蔽茫昧九轉  
間暎發不容滯蕩漾水陰移森邃林景翳磯莎覆潭側巖  
花媚烟際絕壁駭懸舟石竇探遺蛻冥搜果已諧素想喜  
能契涉道玄宮宿弭楫雲崖憩緘語武夷君吾心遊上世

九曲

林弘衍

昨訪溪上山今泛溪中水曲曲備幽竒別具山水理挂壑  
有飛舟仙機無餘綺天雞晝不鳴玄猿飲其涖急瀨走蒼  
光輕航坐驚喜澄潭倒空翠花鳥虛明裏顧盼戀前竒蒼  
黃失後美緬想抱石居應有餐霞士安得從之遊天地猶  
糠粃

武夷紀遊

張堯政

乘槎入武夷顧矚異恒格融結幾何年溶濬倩誰圻三十  
六名峯峯峯列戈戟潏洞溪九曲曲曲漱瓊液非經禹隨  
刊知共鴻濛闢女媧煉未工巨靈豈能擘峻竦翬斯飛佶

武夷山志

卷之二十二

詩五言古

十九

屈潛蚪蟄仰者昂以藏俯者拱而揖或削以爲圭或刊而  
成壁巖際閃珠熒界道流霞赤潺湲激豁砑磴嶠分層級  
虹橋跨銀河琳宮駕巒脊雄峙大王姿婉婉玉女質水簾  
濺鮫珠仙掌金莖積絕巘懸飛舟釣磯灑寒碧桃源洞可  
通一線窺天窄山花不識名瑤草和露滴芳杜縈迴瀾莓  
苔繡巖額香進胡麻飯子響柯山奕身世都蓬萊盼睠藐  
姑射緬維紫陽翁遠接尼山席來構白雲窩羅網盡名碩  
余也企之深簿書邀閒隙卧看石龕青坐對沙月白徙倚  
幔亭峯盤桓樂朝夕

武夷紀游

胡靖

昔余爰山深夢寐逐佳景今茲武夷游始見昇仙境重巖  
鬱迴沿入谿頻登嶺烟霞互明滅怪石各竒逞碧澗穿長  
林羣峯一清影到此念已攢遂覺萬慮屏未遇幔亭君緬  
維自修省前謁紫陽居入門起深警羽化固窅冥吾道有  
要領但愜生平懷自稱爲群幸

### 武夷懷古

國朝 沈宗敬

緬想武夷君道成古何時迢迢千百年曾孫都不知設宴  
幔亭峯仙跡乃炫竒山因此得名後世傳信疑君自躋仙  
域曾孫還愚痴以道庇後人神仙且難之塵埃富與貴營  
營將誰遺

### 武夷山志

#### 卷之二十二

詩五言古

二十

魏王十三仙煉藥換骨峯使者天上來跨鶴相過從藥成  
竟仙去遺蛻委巖中仙人不可見蛻函羣尊崇云能政雷  
雨饒有利澤功又云觸塵穢今與昔不同世人一何愚以  
管窺虛空仙靈果在蛻能事安有窮精神合大氣軀殼將  
何庸棄此恐不速寧以惑顛蒙人苟能自奮呼吸天地通  
皎皎山頭月謾謾松間風萬物我同體無始還無終勿令  
形役神少壯成衰翁  
乘筏泛溪流徜徉九曲裏一曲一面目峯峯夾岸起三十  
六名峯鍾靈皆仗此虹橋架壑船仙跡偶然爾麻姑弄丹  
砂方平謂可已名山引遊屐不知日凡幾見所不經見安

得不掛齒我覽武夷勝所取不在彼憶昔登黃山巖巒入  
畫髓石質既蒼翠石紋更條理懸崖幻如雲尖峯細如指  
大抵山之靈天下莫與擬惜無水堪筏讓此一頭矣今日  
遊九曲流連嘆觀止移我樂山情於此復樂水

傳聞張蚩蚩接筍高結廬魯仕勝國朝燃灰心未除同隱  
十數輩大率皆名儒上有三層臺次第卜宅居丹成百物  
具咄嗟任所需服食擬侯王山氓資其餘更能識休咎趨  
避全厥軀預知耿逆亂乘雲還太虛迨逆授首時蚩蚩生  
如初世人不輕見塵網焉可拘幾疑接筍峯飄然等蓬壺  
我來接筍下蚩蚩果何如知本雄豪士退處山之隅羽化

武夷山志

卷之二十二

詩  
五言古

二十一

年九十有墓在林墟道行誰是稱却與傳聞殊從來好奇  
者易爲人所愚信聞不如見信書不如無桃源莫問津隨  
地有仙都於此澹世情安往不自娛我樂誰知我魚樂誰  
知魚

武夷漫詠

錢汝時

神仙所窟宅大抵在名山靈秀毓丹元幽邃絕塵寰茲山  
所盤結寧復人世間自古餐霞客幾經成九還嚮往一再  
遊豁然開心顏乘槎探仙源携筇陟雲巔擾擾平生慮不  
知何處蠲雖無偃佺遇心胸已超然山水非凡境妙道在  
當前會得此中意即此是真詮虹橋與架壑徒爲好事傳

晚過武夷

潘深

輟棹訪名山步履隨松逕山雨昨夜來風泉滿清聽玄猿  
啼荒林蒼鼠竄古磴神仙何處求琳宮響鐘磬日落峯煙  
昏月上曲流淨佇立復徘徊長歌出深靚

武夷山志

卷之二十二  
詩  
五言古

二十二

七言古詩

回道人遊武夷題

回道人純陽祖師也

建溪之陽地毓靈葱葱蒼蒼多松筠年深不識堯君曆夜  
靜空聞王子笙桃花泛水流九曲波迴石澗飛寒玉青鸞  
豈作凡鳥鳴玄鹿誰同野獸逐笑看童子採靈芝荷衣芰  
服稱風吹朱顏老叟自何代言說生從盤古時山間無寒  
亦無暑蟠桃紅兮蕨薇紫斫將白石與青精漫然龍竹閑  
烹煑武夷之山秀且高叅玄堪把死生逃山中日月常如  
此一局棋枰白晝消

武夷行

宋趙抃

武夷山志

卷之二十二

詩七言古

二十三

武夷之山千萬峯溪水詰曲流其中噴雲湧雪可舟楫一  
櫂撫覽仙人蹤白鶴昂昂寫峭壁雕虎長嘯來清風懸崖  
蛻骨造化外絕壑架船神鬼功寒巖鼎竈失雞犬盤石松  
檜騰蛟龍行行自喜浣塵俗蕭散玉宇超樊籠當年此日  
是高會左仙右仙曲未終紫皇飄然上天去曾孫虹橋路  
已窮我生丹心涵太冲欲脫韁鎖追鴻濛上邀軒轅宴玄  
圃手摘日月相遊從

遊武夷

楊時

函關崎嶇走秦鹿天下共逐爭羣雄抉雲翻空折鼇足黔  
黎竄伏如寒蛩武夷山深水清泚避世合有高人蹤龍泓

東注海波湧玉女翠擁秋雲鬆赤霄眞骨寫虛壁通泉凡  
筆慙非工藏舟浮梁跨絕壑隱見似與天河通當時雞犬  
不復見空巖依舊烟霞籠我來秋杪月旣望尙有幽菊埋  
榛叢天容洗淨雨初霽雲幙四捲清無風掀篷進棹窮異  
境注目想見流殘紅回舡杖屨躡幽徑松竹窈窕環琳宮  
翠琬溫辭耀華袞金榜大字纏蛟龍自憐病骨掛塵網幔  
亭高會何由逢解衣歸卧釣磯畔仰看明月穿疎篷

武夷行

有序

李綱

宣和改元之夏余備員左史寓直東省晝寢夢遊  
武夷山未幾謫官閩中取道山下果符所夢因作  
賦一篇古律近詩五十首今冬蒙恩北歸復尋舊  
遊泛舟仙溪登換骨巖致祀十三眞君會食觀妙

武夷山志

卷之二十七 詩言古

二十四

堂因盡錄前所作遺觀妙法師且別賦  
一篇以述再遊之意目之曰武夷行

憶昨退朝門下省槐陰扶疎清晝永瑣牕一枕夢仙山覺  
來毛骨猶清冷謫官道出武夷山風景翛然似夢間碧溪  
九曲山萬疊况值密雲粧烟鬟寬恩今日容歸去笑指洞  
天尋舊路霜晴日暖白雲深遙望幔亭天一柱羽人導我  
遊仙溪翠壁蒼崖晚更竒浩歌快飲縱迴櫂星月耿耿風  
淒淒曉來換骨巖中看玉潤金堅餘片片三妹駢立映彤  
霞二水交流縈素練征鞍欲去更從容仙境靈蹤豈易逢  
他日追思不可到夢魂還過七閩中

寄朱晦翁山中丹砂

袁樞

丹砂九轉世莫傳羽衣婀娜飛朝天淒然風露洗塵世星  
斗一天隨轉旋空餘丹鼎在巖際夜夜虹光騰霽烟天遺  
紫陽弭絳節點石成玉公須專朝來金鎖開洞府丹火已  
灰當復然離龍坎虎玄又玄不須人間詢謫仙黃熊跑號  
青兕舞爭欲舐鼎巖笞鞭巖頭風高捲衣袂嘶斷玉龍雲  
滿川怡然上池漱瓊液鼓枻下濯丹溪泉雲間雙鶴儻未  
下招隱爲我歌長篇

仲機宗正景仁太史同遊山喜文叔茂實亦至

朱熹

此山名自西京傳丹臺紫府天中天似聞雲鶴時降集應

武夷山志

卷之二十二

詩七言古

二十五

笑磨螳空回旋我來適此秋景晏青楓葉赤搖寒烟九還  
七返不易得千巖萬壑渠能專同遊幸有二三子天畀此  
適非徒然梁郎季子山澤臞傳伯爰盜瀛洲仙相逢相得  
要强附却恨馬腹勞長鞭黃華未和白雪句畫舸且共清  
冷川回船罷酒三嘆息百歲誰復來通泉盈虛有數豈終  
極爲君出此窮愁篇

用前韻別機仲

君家道素幾葉傳只今用舍懸諸天屹然砥柱戰河曲肯  
似落葉隨風旋奮髯忽作蝟毛磔浩氣勃若霄中烟隱憂  
尙喜遺直在壯烈未許前人專武夷連日聽竒語令我兩

腋風冷然初如茫茫出太極稍似冉冉隨群仙安能局促  
夜起舞下與祖逖爭雄鞭終憐賢屈惜往日亦念聖孔悲  
徂川願君盡此一杯酒預澆舌本如懸泉沃心澤物吾有  
望勒移忍繼鍾山篇

武夷山

洪邁

武夷之山如畫圖中有玉洞藏仙都一溪穿空舞澎湃九  
曲度盡方盤紆細看直疑路中斷已轉始覺川平鋪諸峯  
削成鳥亦怖危磴豈復人能踰機巖學館第傳授鼓樓石  
牀知有無坐令丹梯接化鶴又喚立筭成三姑遊人來觀  
但借問道士指說猶驚呼神君曾孫在何許想見幔亭空  
武夷山志

卷之二十二

詩七言古

二十六

藥爐千崖萬壑心賞倦正喜松風清坐隅歸舟瞥然箭脫  
手醉目眩我雙明珠

武夷

方士繇

丹崖石氣凝高秋碧溪上引天河流金堂石室不可到玉  
館莓苔生苦愁仙人昔乘紫雲去白馬瑤鞭在何處茫茫  
塵世那得知幔亭空說當年事君不見茂陵松竹已蕭疎  
乾魚猶記同亭祀

武夷歌

王埜

十六洞天天下竒三十六峯名武夷武夷山中溪九曲曲  
曲瀉出清漣漪溪南溪北山對立拔地插天幾千尺或如

丹砂丹或如碧玉碧東望開樓臺南顧儼城壁廩庾積其  
西車蓋列其北磊磊落落不可名怪怪竒竒神所刻草木  
不移寒暑心巖巒長帶烟霞色皇太姥武夷君幔亭峯高  
凌紫雲曾孫宴罷滄桑變長琴長鼓空紛紛魏公子張真  
人嗜酒一謫八百春功成白日生羽翼巔崖靈蛻猶如新  
我欲冥搜極幽遠棹船朝去暮忘返峯迴嶂合忽復迷安  
得飛梯宿雲巘鸞鶴去兮猿猱啼恍空中兮聞金雞石噉  
足兮濺濺風吹衣兮淒淒洞汨潑折谿訝崔巍石堂眞館  
豁然中開壑舟不墜棧不朽至今藥爐丹鼎髣髴千仞之  
層崖目亦不能盡心亦不能測桃源風景不復見柯山日  
月難重得鼓余枻兮潺湲乘驚波兮下前灘瞬息兮回首  
失向來兮嶮岨嗚呼列仙高拱兮宅玄都三聖繼御兮恢  
炎圖措斯世於康乂應皇家兮瑶符臣守藩兮南國臣傾  
心兮北極山之高兮水之深祝吾皇兮壽千億

遊武夷

元  
解之昂

石出水聲急木落山容寬野馬乍脫羈方知天地非人間  
既無子陵志甘老垂漁竿又無子房遇挾策干天顏胡爲  
紅塵中汨沒不復還武夫晚護入山縣壯士曉輿登峻關  
一身繫官囚半刻怡神難臨風忽長嘯回首空悲嘆扁舟  
適然過渡口武夷閩越爲名山仙靈應喜遠客至寒泉弄

武夷山志

卷之二十二

詩  
七言古

二十七

玉峯垂鬢猿啼鶴唳山月白壇高石潤天風寒人間百年  
如一瞬山中長夜何漫漫瓊津漱罷萬慮絕飄飄思入秋  
雲間浮世之樂兮不足恃虛名漸逼頭生斑勸君歸去來  
自有延年丹長生未可期聊復居塵寰呼童明朝乘載酒  
要窮九曲飛流湍仙人對飲道翁勸大家寫入圖中看圖  
中看倦歸去不須事業問平生萬里蠻烟障前路

爲丁知事賦平林精舍

明 藍智

九曲群峯若奔馬五曲平林古精舍俎豆弦歌晝寂寥白  
雲紅樹秋瀟灑空山不見紫陽僊石門鐵笛風冷然白髮  
何年化黃鶴六經如日行青天高人佐政建安幕幙府時

武夷山志

卷之二十二

詩  
七言古

二十八

時夢丘壑谿山三日酒杯深風雨孤舟客衣薄新圖山色  
烟霧重松林數客茆茨空漁樵尙想唐虞世揖讓僅餘鄒  
魯風我亦中林飯牛者白石歌長怨清夜道南立雪豈無  
人谿上看雲空對畫肩輿過我索題詩堦前黃菊霜離披  
今人寥寥古人遠山水空勞千載思

武夷歌

僧斯文

太初之先杳無聞太素之後形始分不知何人累此石壁  
立萬仞凌青雲巖崖斜出欲墜墮縫罅直下將崩奔崑崙  
雖高未足數劍閣絕險難儔倫我疑女媧補天手擲下此  
石蟠山根又疑盤古分混沌截斷鼇足今猶存傳聞伊昔

避秦日武夷仙客居其巔危梯萬疊倚絕壁仰望峻峭如  
登天我來竟欲探幽勝欲上不上愁攀緣神人念我意精  
確使我毛骨俱輕便手攀足躡不知險但覺身世空中懸  
須臾叩闕造絕頂下視平地如深淵瓊樓玉殿自深邃長  
松瘦竹爭清妍斗壇去天不滿尺仙蛻隱函經千年枯柴  
敗板掛空濶捫蘿引竹驚危顛投龍有洞未及到絕谷路  
斷應難前移時坐久不知去足下隱隱生雲烟更須乘此  
排九戶親謁玉帝叅羣仙

咏武夷

周草庭

閩關之南甌寧東武夷萃嶺居其中鬱無蒼翠善變化削

武夷山志

卷之二十二

詩  
七言古

二十九

出數仞金芙蓉渥洼風高奔萬馬禹門浪暖驤羣龍朝天  
獅子獻竒瑞口嚼文筆書晴空中流頓覺人世隔一派真  
與天河通寥陽宮殿在何許悄聞玉磬交金鐘虹橋宴罷  
縹烟霧太乙蓮舟人可渡晉賢曾引蘭亭盃漁翁笑指桃  
源路山中道人親種茶碧雲滿地流青霞天然丹竈自火  
候先春幻出黃金芽摘採未斷煙火食便覺清風生雨腋  
盧仝去後誰作歌霸運不來先洗屐我從仙山窟中來鴈  
山禹穴仍天台匡廬衡嶽曾入眼况復泛海看蓬萊休言  
足跡半天下爲愛此山還駐馬盤桓半日神骨清回視浮  
名如土苴武夷仙翁不可見紫陽夫子猶垂憲臨流盥手

掬寒泉一盃聊爲名山薦尋眞未了忽思凡始悟九曲成  
三三翻然拂袖下山去恍如夢覺遊邯鄲

武夷泛舟次朱士望韻

明 藍 仁

春風吹船泛中流千巖萬壑開滄洲空林濕翠散晴旭絕  
頂爽氣生清秋皇華咨訪成幽趣山水蒼蒼遠參互鷗起  
如驚使節來猿啼似怨山人去隱屏峯下五曲濱空與野  
鹿山麋鄰杖藜或可共避世拂衣誰是真知津羽人結屋  
雲邊住回首人間障塵霧半夜松聲遠浦濤終朝嵐氣前  
峯雨金雞啼月響仙機四海秋風豈不知乘槎徑欲問織  
女機軸常空終自疑靈芝仙草迷荒麓盡日盈檐采新綠

武夷山志

卷之二十二

詩  
七言古

三十

興盡重尋洞口門詩成尙憶山中宿清溪從此別漁樵六  
翩仍看上九霄歸朝應傍薇花立在野難歌桂樹招故人  
張籍同官舍倘問山林衰病者食力非邀谷口名灰心已  
入廬山社

贈武夷魏士達

武夷山水天下無層巒疊嶂皆畫圖山川直疑渾沌鑿秦  
漢而下靈仙都中天積翠開宮殿石壁虹光夜如電鸞鳳  
常驂神姥遊猿猱共醉曾孫宴洞中別有昇眞天瓊林遺  
蛻如枯蟬露盤仙掌千年藥春水桃花九曲船萬松岡頭  
羽衣客更入三山采眞訣神遊不計海天遙夢覺長懷山

月白歸來高隱萬年宮  
天杳時降雙清童  
道叅元始鴻濛外  
身寄虛空象緯中  
嗟予久慕烟霞侶  
天遺空山作詩苦  
清歌曾繞幔亭雲  
凍筆空題草堂雨  
金丹擬就玉蟾分  
木葉西風鐵笛聞  
野老只知堯舜世  
樵夫或遇武夷君  
黃塵白髮悲年暮  
回首蓬萊更何處  
病容豈是學仙才  
儒術原非濟世具  
余侯留滯海南居  
鴻雁來時一寄書  
期君天柱之南隱  
屏北共斲黃精煑山雪

石溪阻水

藍智

昨日今日雨不絕  
武夷東西溪水高  
架壑仙船在巖頂也  
愁孤棹動風濤

武夷山志

卷之二十二

言古

三十一

題清江碧幃集追懷清碧先生

藍誠

山中之人號雲壑  
落日題詩寄谿閣  
示我清江碧幃詩  
開卷清風滿寥廊  
憶昨先王林下居  
黃花翠竹臨階除  
平生不受天子祿  
老向名山空著書  
十年死別如朝暮  
一望孤墳淚如雨  
往事悠悠嘆逝川  
遺編零落俱塵土  
江湖老舊晚更稀  
此卷乃出幽人爲  
細畫深刻不易得  
短咏長歌勞我思  
范楊虞揭名當代  
猶敬先生師法在  
祗今餘子徒紛紛  
敢以涓流敵滄海  
清廟之瑟朱絲絃  
九臯鶴唳聲清圓  
波濤萬頃注三峽  
魑魅九鼎傳千年  
吁嗟古人多泯沒  
一字流傳亦寥濶  
高情古調人莫知  
夜久長松轉霜月

新安方無遷遇予武夷期爲九曲之游以雨返復作  
歌訂之  
邱四可

方君天都蓮花拔峯之竒麗武夷因而流連雲霧隱其勢  
衆峯相愧不磊落竒者深爲凡者計大地偏區君其平等  
觀靈頑不形山心安風日少焉助清美盛雲濃霧越江干  
品藻文章發古趣五曲佳處選層巒前有蘓公好山水識  
出石鐘夜已闌今君未至山靈仰立石心期呼作文一至  
溪頭動輝光曲曲峯峯生不枉古今情熊盡如然即君遇  
予宜作看山想

重遊武夷

□彥度

武夷山志

卷之二十二

詩七

□□

三十二

女星夜墮建□北化爲竒□□□尺大王峯高倚玉清幔  
亭如幄富仙迹繪鶴青□□□渝投龍玉簡神時格群山  
倒影入九溪星辰搖蕩日月射白雲封鎖瓊瑤寒紫霞燒  
成珊瑚赤靈湫瀑布自天來洪濤洶湧山疑擘素虬遙挾  
白鷺翔金鉦擊動銀河坼雲璈象管度群真霓衣風馬紛  
絡繹我來重遊意倍狂褰裳欲掇芙蓉液霞外雲梯手自  
攀烟中鴻駕身相逆天雞啼日起半巖神虎驅飈扶兩腋  
豐隆指點最高嶺白榆歷歷觸人額金銀臺殿洞天開下  
視濁世猶逼窄從來富貴東流水惟有青山萬古宅一步  
一顧一嘆息恨不誅茅老自澤西湖盃水山拳石安得長

沒男兒跡

題徐良夫九曲櫂歌圖

梁鵠

七閩神仙之奧區武夷山水真絕竒層巒疊巘千萬狀波  
縈九曲寒生輝扁舟蕩漾放歌去異境森列蓬萊墟當時  
曾玄付遺蛻虹橋捲霧迎朝曦回翔上下幔亭鶴雲松高  
處巢南枝樓臺遠近煥金碧巖崖瀑布飛無涯上界真人  
樂居此嶽崱峭絕嘗躋之考亭朱子曠世質讀書卜築來  
于斯清時大才樂幽隱千古尙得留芳譽姑蘓徐君此行  
樂繪素紀咏同襟期□藜俛首賦歸去相逢建水江之湄  
我亦欲借麻姑鵬招邀猿□來相依乘風縹緲視寥廓月

武夷山志

卷之二十二 詩七言古

三十三

明夜過仙人居

長歌行

陳堯典

武夷山水天下竒三十六峯連逶迤溪流九曲瀉雲液山  
光倒浸清漣漪我來直欲窮幽賞溪口扁舟初蕩槳扣舷  
中流發櫂歌滄浪洗耳聞餘響舟行一曲泝仙踪遙看天  
外幔亭峯昔日神仙歌舞地千秋明月照晴空二曲娟娟  
停玉女隔花臨水媚無語仙風道骨丹已成不向陽臺夢  
雲雨三曲雲深景象幽懸崖絕壑架仙舟我欲借之渡銀  
漢去拾支機問斗牛繚繞沿流過四曲天柱前川削寒玉  
何處臨風吹落梅鐵笛一聲溪水綠五曲隱屏列上方雲

烟燦爛昇天章中有幽人構巖宇權歌款乃春風香停舟  
六曲看仙掌荒唐眞僞勞心想莫是仙人擎露回凌雲笑  
拍蒼崖上七曲瀦洄深更深巖頭松竹晝常陰飄飄不盡  
窮源興扁舟還問桃花潯八曲山川入冥眇祇有幽花伴  
啼鳥至此令人萬慮消飛仙欲挾游雲表九曲烟霞眼界  
開源頭滾滾自天來碧水丹山圖畫裏何須浮海覓蓬萊  
十年夢想今親見千巖萬壑俱遊遍祠下摳衣拜紫陽輝  
光始識眞儒面高山仰止凌蒼烟獨立危樓思悄然闌干  
徙倚日將暮翻笑王維畫輞川

武夷歌

陳邦瞻

武夷山志

卷之二十二

詩  
七言古

三十四

吳郎告我武夷去乞我爲□武夷歌武夷眉目我未識其  
能吐吻出嵯峩七閩處處仙靈宅連峯疊嶂生咫尺况復  
茲山最竒絕乃是元精灑氣所盤勃仰睇蒼蒼不可極恍  
若青天黏石壁石壁瓊崖四顧崔嵬盤根如削陡合乍開  
漾然九派銀河水縈迴捲作玉龍來朝暮幻景何倏忽千  
竒萬怪誰爲哉我疑天仙一念爰泉谷環視靈區此卜築  
不有神工與鬼斧橫空胡緣置方屋仙人却歸蓬萊巔烟  
霞鎖屋長千年唳白鶴嘯青猿何人對此不茫然雲臺眞  
逸亦仙客還向靈山寄遐蹟溪前欸乃聽漁謳石上穿雲  
轟鐵笛此後無人能獨往我欲從之勞夢想丹梯翠壁久

塵埃側身南望令心哀自是世途牽腐鼠豈因仙路去無  
煤勸君茲遊勿草草人生只合名山老山中之人有曹丘  
因君爲問相思不

遊武夷

王恭

鶴岑夏天開洞門仙翁騎龍宴曾孫曾孫大醉仙翁別木  
魅鮫童吊溪月葛花濛濛簌竹荒石雲紫蕨參差涼峯頭  
藥草九節香胡麻作飯與君嘗待君騎魚歸故鄉

武夷行

蘓鉦

憶到名山二十年重遊風景尙依然三三秀水清於玉六  
六竒峯翠插天幔亭諸峯□竒絕信哉天造而地設蘭舟

武夷山志

卷之二十二

詩七言古

三十五

穿破水中雲金鷄叫起山□月捫蘿直上天柱峯碧嶂丹  
崖深幾重蜿蜒磅礴鬱佳氣聞之古昔多仙蹤仙人樓臺  
入烟霧登覽曾遊林下路鐵笛道人呼不來玉蟾仙子歸  
何處我欲尋仙學仙好白髮蒼顏今已老若爲借得麻姑  
鵬騎出峯頭拾瑤草

題九溪卷

邱雲霄

武夷溪水清於玉九曲縈紆抱山足中有高人時濯纓攜  
風釣月坐雲褥朝移鐵板嶂前舟暮向金鷄潭上浴幔亭  
仙去幻虹橋天柱峯寒壓地軸茶竈烟消石髓融鼓樓月  
送霓裳曲巖際閒窺一字天洞口時逢七星鹿山隨雲轉

千萬重影弄寒江三十六漁歌款乃度星村鶴羽徘徊感  
風燭乾坤自悟意白閒烟波滿棹書滿束興來一掃詩百  
篇夢遶千峯豁雙目止庵舊結九溪鄰衡門長掩三秋菊  
相過痛飲盡逡巡共上漁磯卧亭毒莫教紅雨暗秦源好  
爲蒼生謝空谷明時早副想調梅他日同歸理釣竹

### 武夷歌

宋儀望

予昔乘白鹿去上匡廬山瀑布濺沫幾千丈日與五老相  
追攀西行入嵩華少室採三花直上蓮峯凌絕景側身東  
望徒咨嗟武夷何岩□遐眺赤城標青鳥忽東來持書遠  
相招竭來出閩粵坐嘆生□髮一朝解組入武夷九曲溪

### 武夷山志

#### 卷之二十二

詩七言古

三十六

頭櫂歌發昔年夢入桃花□青山夾岸凌潺湲茲遊彷彿  
來時路翠壁丹梯歷□捫烟霞咫尺互明滅粧鏡臺臨玉  
女側大王峯下幔亭雲帝子不來日西沒遐想列仙得道  
時霞裾雲珮來何遲丹成竈冷空蛻骨金雞一去令人悲  
興來上踏天游峯衣裳拂拂吹天風仙巖靈窟不可尋隱  
屏天柱何巉巖休歌嵩華行忘却匡廬夢遙看幔亭雲化  
作昇玄洞悵仙子兮雲間望佳人兮霜鬢凌蒼波兮漣漪  
坐釣磯兮盤桓入世流光疾如電富貴聲各何足羨遨遊  
五嶽心未已安能役役低頭面噫嘻吁茲山巖嶭高幾車  
烟霞熠熠靈光宮焚香禮拜武夷君來遊下界挾兩童邀

我撲肩遊鴻濛仰看赫奕天門通長跪受書永相從下視  
濁世何異蟻蝨處禪中

遊武夷

吳擴

昔登華頂峯飛梁亘絕如青虹捫參夜半瞰海日雲烟變  
幻蓬萊宮竦身入鴈蕩龍泓際天濯漭沆乘風長嘯金霞  
端萬壑千巖遞清響竭來尋武夷試躡青雲梯崩崖絕壁  
幾千丈空中彷彿聞天雞神仙蛻化世已遠秦人洞口桃  
花迷洪濤觸山地軸折九曲奔騰靈氣泄兩兩遺舟絕壑  
間究竟寧非鬼丁設□□巔兮目眩狎凌波兮仙媛穿窈  
窕兮谿笏眇天光兮□□□雲扃兮天忽開銀河迸瀉轟  
武夷山志 卷之二□□□□□古 三十七  
晴雷虎嘯熊咆川谷□□□夕景更徘徊塵世流光疾如  
矢齷齪浮榮何足□□□烟波隱姓名狂奴懶揖漢天子  
物外逍遙養性靈吾□元是少微星群真鶴馭知何處此  
日重來醉幔亭

長歌

楊四知

吁戲竒哉武夷之山高崔巍盤礴靈秀東南開三十六峯  
連蒼穹九曲之水隨縈迴魏王昔時宴列仙幔亭綵屋羅  
峯巔玉皇太姥下秋月賔雲樂奏調朱絃控鶴真人翔翩  
翩張湛之輩坐瓊筵二千餘人呼曾孫空中讚禮朝至尊  
宴罷晦冥起風雨虹橋斷絕難攀援邇來世代幾千秋丹

山當時水悠悠遂令天下好奇者穿巖捫蘿思遨遊我亦  
尋仙不辭遠春明到此訪丹丘夜宿同亭館朝上木蘭舟  
烟林翠竹夾兩岸披霞鼓枻泛中流溪邊臺臺大王峯青  
天秀出赤芙蓉芝草瑤花吐紫茸千齡白鶴巢雲松玉女  
窈窕對鏡粧獅子蹲踞觀音旁鐵板嶂開鬱蒼蒼毘瓘天  
柱遙相望昇日照耀蕩水光大藏小藏排雲鄉鯉魚躍波  
海蚌昂象巖偃伏叱石羊接笋亭亭隱屏張仙掌歷歷靈  
文長天遊近天冷淒□俯視蒼莽百川低幽谷嘯猛虎洞  
中鳴金雞上有盤古□□樹下有萬丈之丹梯雨濛濛兮  
更衣雲垂垂兮勒□□□兮飄飄而來下三教會集羅

武夷山志

卷之二

□□  
□古

三十八

漢回車廩庾纍纍□□□竈淪龍團三杯傾紫霞佩方  
印兮戴仙冠試龍□□□棋盤城高峻兮響聲聞石鼓振  
兮徹綠雲架仙船兮危□放桃花兮芳芬巉岫嶺屺飛瀑  
潺湲千竒萬狀渺無盡我亦睹之駭心顏轉盼倏忽失故  
處屐登棹進難窮攀夕陽晚對山路迢仙人欲去鳴瓊瑤  
當筵食我胡麻飯長跪餐之欲凌霄羽蓋朱幡不可留霓  
裳霞綬旋脩脩舉手長揖發清嘯裝鸞駕鶴憑虛飄仙人  
一去歌聲歇天風吹度峯頭月九品丹書爲我傳他年重  
會蓬萊闕

遊武夷

龔一清

武夷之竒竒以曲武夷之曲可方舟水聲潺湲經壑底一  
碧流成九折秋峩峩峯砭石百千狀一石一名仙侶留曲中  
名山多特立迴入清冥天際頭古今詩人題不了樂山樂  
水恣優游我來六月瀑飛雪仙掌高擎露欲流寒玉一灣  
如有引乘風冷冷天關遊諸峯羅列匝其下不見曲水知  
銀鈎坐看峯頭雲掩映蓬萊五色連瀛洲嗟呼封禪七十  
二秦皇漢帝海外求

泛舟九曲歌

康彥登

武夷之山何崔巍□□□水相潨洄世人披圖得其槩安  
知神仙窟宅之竒□□□□□今泛棹泝九曲匝月登臨歡

武夷山志

卷之二

詩

三十九

不足呼吸應知帝□□□□直訝神工劖大王絕巘丹梯  
橫玉女連雲彩幄□□□花逐漁郎去蓮石峯裁仙掌平  
洞天名居三十六福□靈臯鎮南服霍童太姥難與伯仲  
稱俯祝石鼓鯉湖諸區眞一掬遊人若個是仙才鼓枻中  
流思轉哀瓊輪白馬空霄漢玉鼎丹爐鎖綠苔浮生局促  
同蝸角長夜漫漫誰獨覺紅日西馳挽不回百歲誰人肯  
行樂酌君酒爲我歌武夷十載幾經過仰天朗詠游山曲  
世路升沉竟若何

武夷

方孔炤

武夷三十六枝筆大峯潑墨小峯出許我一葉尋支磯半

示遊人半秘密峯表鏗翁二子能曾孫有術多憑陵雞犬  
白雲何縹緲應是玄黃怪未了獨有考亭數字存其間重  
洗五百仙人顏

### 武夷西憶

閩川較讓蜀川小江河萬里青繚繞蜀川較讓閩川平一  
度斜灘一度情蜀灘亦不深閩灘亦不淺薄船似絕不須  
選輕過石子角粼粼水碧山蒼互流轉瞿塘之險不可留  
幔亭之下容虛舟三□□催新愁幔亭上和啾啾猿聲豈  
有太分別山靈□□□說

### 泛舟九溪漫□

傅崇中

### 武夷山志

### 卷之二□□□□□□

四□

人間何處離□□□□□□□□春三二月泛桃花洞  
口漁人自來往□□□□

### 閱衷釋生武夷□□賦長歌

蔣芬

大樟鬱律鳴蟬子日射枯塘倒霞紫堦前蘭葉青不翻思  
渥龍皮貯涼水梅亭衷子丰骨珊遺我一帙武夷山秋風  
颼颼樹頭雨署裏寒聽白晝潺建州名碩多騏驎如子博  
雅一二數交臂盡托賢豪間家近幔亭巖下住開門見山  
山翠流日日芒鞋拄上頭石絲木髮恣搜討編而次之薤  
其藟出袖風烟千疊綺松濤謾謾襍几長房縮地何足  
云少室林巒咫尺耳啜余俗吏同井蛙春前驅車來富沙



却嫌漢使槎多誤訪道心欲求蓬萊何年卜築武夷側芒  
鞋竹杖探金筴鐵笛吹殘萬壑秋坐看石潭寒一碧山空  
水靜雲滿川疎風冷雨伴潺湲仙人控鶴復何處芳草年  
年青可憐

武夷放歌

國朝 朱彝尊

武夷君異哉世所傳或曰錢鏗之二子或云是魏王子騫  
當時結侶高宴幔亭前此挹衣袖彼拍肩坎鈴鼓急管絃  
賔雲妙曲左右仙一□彩雲散虹橋斷絕上無緣琳宮建  
何時傳自天寶□□□□之禱水旱金龍玉簡投深淵我  
來謁祠下取□□□□□□□□且妍藤蔓曲似蛟龍  
武夷山志□□□□□□□□□□□□□□□□□□□□

纏殿古白□□□□□□□□□□涎十二粟主配□□  
中間名字或已□□□□後祀典歇但有村翁媵臘率社  
錢縛草爲輪剪紙爲□不知仙人倏而來兮忽而逝雲車  
風馬電作鞭胡用是物東西懸長廊曲曲通迴旋旁有道  
士館房房戶戶相錯連甘蕉綠搖漾脩竹青便娟竹雞聲  
中摘茶葉石榴樹底交茶烟吾思此地洵勝絕道書名之  
曰洞天阿誰屈指一十六何山可以居其先昔者禹平水  
土名山川至今岳瀆垂虞編不聞議者糾其偏若茲次第  
逞曾臆毋乃僞托非真詮試質武夷君吾言然不然

康熙庚寅長夏養疴萬年宮偶因所見放歌